

Vacuna COVID-19 ji nú kuu koo se'e

Nda tu'un jikatu'un ka

Iyo va'a ja katu'un yo maa yo nú nda vacuna COVID-19 sa'a ji ja ma kuu koo ka se'e yo. Centers for Disease Control and Prevention (CDC, Ve'e nuu jito ji jekani nda kue'e) kachi ja kuu kani vacuna COVID-19 nda ñayivi ja iyo ji vi'i ka 6 yoo, suni kachi ja kuu kani nda ñayivi ja kúni ji koo se'e ji axi ja mita ñu'un se'e ji axi nda ja kúni ji koo se'e ji ichi nuu. Ja jini nde kivi mita kuu ja ni in nda vacuna ja iyo, ji suni nda vacuna COVID-19, nduu jasi ji ja koo se'e nda ñayivi.

Iyo ñayivi ja ma ta'an ini ji tu'un ja yoso nuu tutu ya'a siki tu'un ja jikonuu siki ja ma kuu koo se'e, suni siki ja nduu ni sa'a va'a jín nda ñayivi tuun kivi ichi yata, suni siki ja nduu nde'e va'a ja nda ña'an/nda tee ja kuu ji xi'nde koo se'e ji axi ja kutatan ji.

Kunde'e ní nda tu'un ya'a tágua kutu'va ní siki nda tu'un jikatu'un ja iyo siki nda vacuna COVID-19 ji nú kuu koo se'e.

P: A kuu sa'a vacuna COVID-19 ja ma koo ka se'e sa

R:

Nduu na tu'un iyo ja kachi ja nda vacuna, tanu kuu vacuna COVID-19 sa'a ji ja ma kuu koo ka se'e in ña'an axi in tee. Ja sa'a nda vacuna kuu ja chindeé ji yiki kuñu ní ja kanaa ji jín coronavirus de nduu jasi ji ja koo se'e ní. Nuu nda prueba ja ni sa'a jín nda vacuna COVID-19, kua'a túni nda ñayivi ja kúni ji ja koo se'e ji ni kani vacuna COVID-19 ji, de nduu ni sama tiñu ja kuu koo se'e ji chi ni kee ja kuu koo se'e ji tanu iyo se'e nda ñayí ja nduu ní'in ji nda vacuna ya'a. Nda vacuna COVID-19 iyo va'a ji de satiñu va'a ji. [Centers for Disease Control and Prevention \(CDC\)](#), [American College of Obstetricians and Gynecologists \(ACOG\)](#), [Ve'e skua'a nda ñayivi ja jito ña'an ñu'un se'e nuu ñuu Estados Unidos](#), [ji Society for Maternal-Fetal Medicine \(SMFM\)](#), [Nda ñayivi ja sa'a tatan ja kuu nda nanaji nda ñee](#) ka kachi de ja nda vacuna COVID-19 kuu kani ndi'i nda ñayivi ja skaxin ji ñee, axi kúni ji koo se'e ji ichi nuu.

Kunde'e-ní nuu link ya'a tágua kuni ní ja kachi Dr. LaSalle siki naku va'a ja kani yo vacuna COVID-19 maa yo: [Ja koo se'e ji nda vacuna COVID-19 – nuu YouTube](#)

P: A kuu sa'a vacuna COVID-19 ja sama kivi ja nuu yoo sa

R:

Iyo sava ñayivi ja kachi ji ja ni sama kivi ja nuun yoo ji ta ni kani ji maa ji vacuna COVID-19, tanu kuu, ke'en ka kivi ni nuun yoo ji, suni ñama ka ni nuun yoo ji axi kua'a túni ka niñi ni kee. [Nuu in estudio ja ni sa'a kuiya 2022](#), ni kee ja nda ña'an ja nuun yoo ña ta ni kani vacuna COVID-19 ña ni kumani axi ni ya'a ka in kivi ja ni nuun yoo ña. Iyo va'a nú ya'a axi kumani in kivi ja nuun yoo ña. De vese ni sama nda kivi ya'a kivi ja ni kani tatan, **nduu kúni ka'an ja nda vacuna COVID-19 jasi ji ja kuu koo se'e ña**. Nú ni sama kivi ja nuun yoo ña suni sama kivi ja kee óvulo ña. De ya'a sa'a ja nda ñayivi ja jatiñu ji tatan tágua ma koo se'e ji vijin ka kuu nuu ji ja kuni va'a ji na kivi kuu ja kee óvulo ji de vijin ka/ma kuu ja kuni va'a ji nasa sa'a ji tágua ma jeku'un chijin ji de siki ñukua sanaa koo ñee ji. Nú ndo'o ji sukua kánuu ja ka'an ji jín médico ji tágua kuni ji nasa koto ji maa ji ja ma koo se'e ji.

P: A kuu sa'a vacuna COVID-19 ja ma kaku ka nda ñee

R:

Tanu kachi Planned Parenthood, nda vacuna COVID-19 ma kuu sa'a ji ja koo ka axi ja ma koo ka se'e ñayivi. Nde kivi mita nduu na jini nú iyo in ñayivi ja nduu koo se'e ji axi ja mita iyo se'e ji siki ja ni kani ji maa ji vacuna. De vese sanaa sama kivi ja nuun yoo in ña'an, nduu sama ja kaku va'a in ñee. Ja sanaa kundo'o ñayí kuu ja ma kuni va'a ji kivi ja nuu yoo ji jín kivi ja kee óvulo ji; de nda ñayivi ja jatiñu ji in tatan axi in anticonseptivo tágua ma koo se'e ji suni vijin kuu nuu ji ja kuni ji na kivi kuu ja kee óvulo ji de ñukua sa'a ja koo in tundo'o nuu ji. Iyo in ndatiñu ja kuu chindeé nuu nda ñayivi ya'a tágua kuni ji na kivi kee óvulo ji. Kánuu ja ka'an ji jín médico ji tágua sukua kuni ka ji siki tu'un ya'a.

P: A kuu sa'a vacuna ja tiví espermatozoide axi ja nukuiñi ka xuu in tee

R: Nduu iyo in tu'un ja kachi ja nda vacuna, tanu kuu COVID-19, sa'a ji ja ma kuu ka koo se'e in tee axi ja ma nukuiñi ka xuu de. Nuu in [estudio ja ni sa'a jín 45 tee ja iyo va'a de](#), de ni kani de [vacuna ARNm COVID-19](#) maa de, ni skua'a nasaa espermatozoide de iyo ji nasa kanda ta ncha'a kani vacuna de, ji ta ja ni kani vacuna de. Nuu tiñu ya'a ni jini ja nduu ni sama espermatozoide de vese ni kani de vacuna maa de. De inka nuu [estudio ja ni sa'a](#) ni kee ja nda tee ja ni ndo'o de kue'e COVID-19 ma kuu ja koo se'e de nde ya'a 60 kivi ja ni jikin kue'e de. In ka'ni, ji in kue'e ja sa'a COVID-19, kuu sa'a ja nuu ini nda espermatozoide de ma koo kua'a ka. Iyo nda ja ndo'o ka'ni ta ke'en COVID-19, vese saa nduu kúni ka'an ja ka'ni ja chi'in yo'o ta kani in vacuna COVID-19 yo'o sa'a ja nuu ini nda espermatozoide. Ka'an ní jín medico ní nuu iyo ka tu'un jikatu'un ní.

P: A xtví vacuna tiñ FIV (Fertilización in Vitro)

R: Nduu na tu'un ja ste'e ja vacuna COVID-19 xtví ji tiñu jín nda ñayiví ja sa'a ji maa ji tatan FIV. Nuu nda estudio ja sa'a kachi ja nda vacuna ARNm COVID-19 nduu xtví ji tiñu FIV. In [estudio](#) kachi ja nduu ni sama tatan ja sa'a jín ovario, axi ja sa'a jín óvulo, ja kua'nu ñee axi ja kaku va'a ji jín nda ñayiví ja ni kani ji vacuna maa ji jín nda ñayiví ja nduu ni kani ji vacuna maa ji. Nda vacuna COVID-19 nduu sa'a ji ja ma koo se'e ñayiví, ni nduu jasi ji ja ma koo se'e ñayiví. kua'a túni nda vacuna kani de nduu naguá ndo'o nda ña'an ja ñu'un se'e ña, tanu kuu nda vacuna kajin, tétanos ji difteria. Kuu kani vacuna COVID-19 nda ñayiví ja iyo ji vi'i ka 6 yoo, suni kuu kani nda ñayiví ja kuni ji koo se'e ji.

P: A kuu sa'a vacuna COVID-19 ja nuun se'e in ña'an

R: Nduu, kuu kani vacuna COVID-19 in ña'an ja kúni ña ko se'e ña , in ña'an ja ñu'un se'e axi in ña'an ja ni kaku se'e ña. Nduu na tu'un ja kachi ja in vacuna COVID-19 sa'a ja nuun se'e-ña. Nda vacuna COVID-19 nduu sa'a ji ja nuun sanaa ka se'e nda ña'an. Sanaa sa'vi ini ní kuni ní ja nuun sanaa se'e in ña'an, ñati [10 nde 20 porciento](#) nda ña'an ja ñu'un se'e ña nuun se'e ña. Iyo sava ña'an ja sanaa nuu se'e ña nú ni kani ña vacuna maa ña, vese saa nduu kúni ka'an ja tatan vacuna ni xnuun se'e ña. In ña'an kuu nuun se'e ña vese nduu ni kani ña vacuna maa ña. Sa kuu kachi yo ja ñama ka nuun se'e in ña'an nú kundo'o ña kue'e COVID-19. Siki ñukua kuu ja kani ní vacuna maa ní tagua koto ní maa ní jín se'e ní nuu kue'e COVID-19.

Kua'a ka tu'un ja chindeé nuu ní

Centers for Disease Control and Prevention, "COVID-19 Vaccines for People Who Would Like to Have a Baby". 2022. Ja iyo nuu página ya'a: [COVID-19 Vaccines for People Who Would Like to Have a Baby | CDC](#)

American College of Obstetricians and Gynecologists, "COVID-19 Vaccination Considerations for Obstetric-Gynecologic Care". 2022. Ja iyo nuu página ya'a: [COVID-19 Vaccination Considerations for Obstetric-Gynecologic Care | ACOG](#)

World Health Organization, "Questions and Answers: COVID-19 vaccines and pregnancy." 2022. Ja iyo nuu página ya'a: [Questions and Answers: COVID-19 vaccines and pregnancy \(who.int\)](#)

Mount Sinai, "Large Study Provides Reassurance that COVID-19 Vaccination Does Not Affect Fertility or Early Pregnancy." 2022. Ja iyo nuu página ya'a: [Large Study Provides Reassurance that COVID-19 Vaccination Does Not Affect Fertility or Early Pregnancy | Mount Sinai - New York](#)

Nikani katu'un ní nuu médico ní tagua kuni ní naguá sa'a ní.